

四家選集
壬申消夏詩

癸酉消夏詩
南苑唱和詩



60369

四
家
選
集
三

張懷淮
選

中
華
書
局

童山選集卷六

綿州李調元雨
廣漢張懷淮玉溪編

鹿頭閣謁龐靖侯墓祠內並祀武侯

江鎖雙龍合閨雄五馬侯益州如肺臍此地小咽喉
事急爭難口時平失鹿頭至今松栢塚風雨不勝愁
誰言此州小曾有鳳雛來首獻三條計洵非百里才
生無懸驥足死合遣龍陪一自星飛後千山澗水哀

漢太司農秦宓故里

官本司農秩人呼祭酒村兩朝天有姓三造地無存

城郭綿江浸人家。洛漲痕。永安遺命日。應愧此中魂。

夜宿寧羗州

萬壑千巖裡。蕭條斗大城。三更驚虎入。四面盡猿聲。
雨驟林先嘯。風狂澗亦鳴。曉來聞水漲。何處問前程。

題張雲谷西園

琉璃嵌作榻。正與睡相宜。人比南軒靜。園為西蜀奇。
羣稱小隱士。自號大名醫。畢竟詩難及。聲名與我嬌。

登龍興寺大悲閣

一名大寧閣在真定

金碧千層麗。丹青百代仍。雷霆梯上履。日月寺前燈。
牖氣通恒嶽。鐘聲撼博陵。本來空四大。我欲問高僧。

同冠峽

舟入同冠峽。山從頭上分。瀑高常似雨。樹矮不離雲。
洞滴千年乳。巖垂萬古文。昌黎曾到處。松桂有餘芬。

雨後早發建昌途中和壁間韻二首

秣馬待晨發。中宵起啟關。雨收仍滴樹。霧重不分山。
過客題詩好。溪鷗傲我閒。團團牛跡裏。何處豁吾顏。
黑雲風捲去。露出一天青。岫遠微呈寺。江平漸失汀。
古田書井字。醜樹作人形。賣餅何曾得。虛煩馬一停。

元宵

火樹千枝發。星橋萬點明。喧成春一片。看到月三更。

走馬隙中影。盤龍村外聲。老年筋力健。不杖也隨行。

奉和相國尹望山

繼善

先生晚香園。雜咏用杜

工部遊何將軍山林韻十首

人傳丙作相。天賜午名橋。里本告青甸。官原傍紫霄。
三朝身更健。八督勅初招。竊喜平泉近。無嗟絳帳遙。
東閣金甌卜。西園玉署清。老樓阿閣鳳。歡動上林鶯。
夜火談藜杖。晨厨試御羹。遙知退食罷。扶杖便吟行。

洛國神如故。溫公樂不支。黃扉初賜第。綠野盡穿池。
捧日丹心久。憂時白髮知。嘉謨將入告。隔夜牘頻披。

總以人為樹。都驚眼不花。有才呈必驥。無足不添蛇。
鼎內陰陽爨。壺中日月賒。擁書千萬卷。不數鄴侯家。
制府東南久。延賓館閣開。評詩收沈宋。得士比歐梅。
山。愛棲霞去。門容野鶴來。謂袁子才紗籠題壁處。積久不生苔。

為近恒春苑。常添太液泉。花堆三品石。柳放一春綿。
身作中朝柱。囊無外任錢。蒼生遙共祝。但願福如川。
並少同年在。真成晚節香。位高心愈下。處熱意偏涼。
御制常催和。奇書出舊藏。總因圖報國。忘却鬢毛蒼。

芝蘭皆國器。玉樹繞天池。謝傅臨棋局。山公倒接籬。
深宮容走馬。下殿許扶兒。我本登龍客。還思御李隨。

鳳翽朝陽日。龍翔集景雲。英才原樂育。器識必先文。

公泰命教習庶吉士甫到館即以蠟燭三條限蠶
士先器識而後文藝為訓時推名論

箋十樣分。芳菲承雨露。採藻競繽紛。

文章師賈董。宗主得荀何。夜雪門前久。春風坐上多。
股肱諧喜起。元首載賡歌。從此休光炙。論詩得屢過。

陪祝芷塘

德麟

鄧筆山泮。兩太史遊草堂。

此地獨千古。為因子美祠。只容人載酒。不許客題詩。
今遇雙星至。堪稱一字師。不知滄海上。誰定掣鯨鯢。

偕編修王春甫

懿修

過宏恩寺

近京無百里見此大禪林
雨過百花放雲端萬木深
累羈腰下玉緣淺橐中金
空與蘭臺客流連話素心

新城別學士湯辛齋

先甲

往閩中典試

我愛湯夫子風流今尚存
功名如鷁退意氣自熊蹲
誰念訖臣老偏多聖主恩
最憐程限迫不得共清言

宿石槽村農家和景考功

江錦

水涸趨程易村孤問宿難
牛聞見燈火馬磨出盤餐
舊種黍初獲新泥壁米乾
微開田婦語兒卧勿驚官

酬鐵冶亭

諧葛真名士。綸巾坐小輿。來從三角店。卧看一車書。
行李虛隨僕。投桃實起予。長途欣得侶。無復恨離居。
和編修祝芷塘同年題醒園圖用杜少陵游何

將軍山林韻十首

憶昔金山別。魂消似灞橋。日邊迴彩旆。天上隔丹霄。
驛路皇華記。翹車玉帛招。今宵燈送喜。萬里尺書遙。
平衡洵不爽。水鏡本來清。已入班中鷺。猶思谷口鶯。
淡如君子水。食愧小人羹。不是玉山朗。焉能玉壘行。
疴抱年來久。逢迎總強支。錯疑楊子宅。枉過習家池。

河。道。山。猿。避。聲。名。野。鶴。知。怪。君。詩。筆。健。珥。筆。不。停。披。
余。季。非。荆。樹。同。時。得。桂。花。無。心。收。玉。兔。有。客。詫。弓。蛇。
佳。話。傳。教。遍。高。談。興。獨。賒。海。寧。能。到。否。亦。欲。訪。君。家。
榜。掇。惟。君。少。科。逢。萬。壽。開。名。能。書。淡。墨。人。尚。弄。青。梅。
今。日。崔。羣。至。爭。傳。衛。玠。來。不。知。桃。李。內。誰。步。玉。階。苔。
建。昌。出。名。馬。慣。走。似。奔。泉。棧。道。登。雖。險。沙。堤。踏。似。綿。
珍。珠。雙。夾。鏡。蹀。躑。小。連。錢。脫。贈。君。知。否。文。旌。再。督。川。
高。軒。來。過。處。草。木。尚。餘。香。坐。石。茵。猶。暖。催。花。酒。未。涼。
題。詩。龍。尚。活。起。舞。烏。皆。藏。直。到。雞。鳴。候。方。知。曉。色。蒼。
園。林。全。種。竹。亭。閣。半。臨。池。童。子。敲。茶。臼。山。翁。倒。接。羅。

登堂先拜母。排闥屢驚兒。不是王程速。猶思百里隨。

並馬渡江去。聯鑣盡入雲。山川皆別賦。風雨助談文。
棧閣程空數。綿州路早分。同年來有幾。老淚落紛紛。
稚子真如杜。將軍不姓何。瓜未種。潘岳果偏多。
難忘青燈語。慙賡白雪歌。至今明月夜。猶夢使星過。

寄永清丞陳韞山

琮

地邇京畿密。年來報最頻。誰言為政樂。翻似在家貧。
樹接盧溝遠。梁登海淀新。治河聞賈讓。不必讓前人。
送農部吳鑑南

燉

以刺史之蜀籌餉二首

蜀道青天上青天我故鄉夷民思向化天子念循良地本江為錦人稱國號香君今從此去遙聽說龔黃

困獸窮猶鬪王師網尚寬三軍瀘水渡六月雪山寒聚米知形勢飛芻戒飽餐贈君腰下劍好去斬樓蘭

過菱湖訪費雲軒先生

元龍山莊

沿雪最深處菱湖又一村平田春水岸小艇夕陽門
舊忝後堂客新嘗若下尊十年深仰止今始入龍門
送人之塞

虜騎寇邊城。飛書達上京。金堦選上將。玉塞動佳兵。
黑水拖旗色。蒼山答鼓聲。當年班定遠。曾出玉關行。
雪野荒荒白。風沙陣陣吹。戰士何辭苦。君王早得知。
鳳京旋凱日。麟閣畫圖時。誰謂邊方將。猶聞歎數奇。

出塞

蕩子遠從征。長城萬里行。遠天橫。劍氣邊地動。笳聲
隴水風。常響關山月。倍明。不知閨裏婦。相望若為情。
一從夫壻去。碧草滿堦橫。雁字書難得。迴文織不成。
望。癡應化石節。苦。若為旌賸有。菱花鏡。塵多半不明。

隨園

夜過雙隻堠。曉歷短長亭。寒月無窮白。邊雲不斷青。
馬敲山下鐙。犬帶草間鈴。講武高秋罷。他年看勒銘。

黃甲營

漸近邊沙地。衣裘薄體涼。樹聲風浩浩。山色月蒼蒼。
寒逼駝生毳。人追麝退香。不因村釀醉。竟夕總徬徨。

古北口

俗異沙陀部。風同勅勒川。雙鵬雲外落。一騎日邊旋。
墨黑沾衣雨。沙黃燒野烟。行人長佇立。雲樹極遙天。
自古爭邊險。於今解甲兵。烽平都衛府。月上可敦城。
象胆因時轉。駝蹄到夜明。况兼饒畜牧。好自勉農耕。

小溪望月

上道已千里。回頭恰二黃。秋懸千嶂月。風動一潭星。
夜靜龜鼉出。沙明蚌蛤腥。鯉魚書不達。惆悵憶原鴒。
仁和鎮避雨夜宿廣濟寺壁上見張度西九越詩

因和其韻

雲黑如磐壓風聲。剗樹過江鳴。知雨近村。瞑覺燈多。
屋小纔容膝。杯乾不稱醅。誰題蕭寺壁。過室自婆娑。
清遠道中

枕柳遙浦暗。華撥近村稀。海怪迎潮上。蠻禽貼水飛。
濛濛雲在樹。颯颯雨侵衣。無限遲留意。遙帆出翠微。

度珠江大風雨

三聲礮車作萬里使人回。是日風何驟連天雨不開。
馬人歸島去龍戶探蟻來為謝羊城吏唯吸水一棕。

豐城縣阻風舍舟由陸至南昌

舍舟從覓路行李又匆匆不夜江邊月非花岸上楓。
穿林驚犬吠喚渡見歸鴻捷徑非無意連朝阻北風。

謁包孝肅祠

鐵面非真鐵人傳包老名片言能獄折一筭底河清。
廟貌風霜老丹心日月明更無關節到展拜不須驚。
遊七星巖